



**KANTON SARAJEVO
SKUPŠTINA KANTONA SARAJEVO
KLUB DEMOKRATSKE FRONTE**

916 14³⁰/₂
22-03-2023
01. 06. 0492-7

**KANTON SARAJEVO
SKUPŠTINA KANTONA SARAJEVO**
n/r Okerić Elvedin, predsjedavajući

**PREDMET: AMANDMANI NA PRIJEDLOG BUDŽETA KANTONA SARAJEVO ZA
2023.GODINU**

Poštovani,

Na osnovu člana 151. i 152. Poslovnika Skupštine Kantona Sarajevo („Službene novine Kantona Sarajevo“, br.41/12-Drugi prečišćeni tekst, 15/13 i 47/13), kojim se propisuje da pravo predlaganja amandmana imaju zastupnici u SKS, dostavljamo amandmane na Prijedlog budžeta Kantona Sarajevo za 2023.godinu.

AMANDMAN 1

Umanjuje se pozicija MINISTARSTVA ZDRAVSTVA, ekonomski kod 614300, razjedljika NOV002 funkcije 074F u odjeljku 'Finansiranje specijalizacija' u iznosu od 286.127,00KM za uvećanje pozicije MINISTARSTVO ZA NAUKU, VISOKO OBRAZOVANJE I MLADE i potrošačku jedinicu 014 Univerzitet u Sarajevu-Filozofski fakultet, ekonomski kod 611100, funkcija 094F, odjeljak 'Bruto plaće i naknade plaća' u iznosu od 286.127,00KM.

Obrazloženje:

Nacrtom budžeta KS za 2023 godinu iskazana je projekcija plaća za uposlenike Filozofskog fakulteta sa ugrađenim povećanjem plaća u iznosu od 100 KM mjesečno za svakog uposlenika. Ekonomski kod 611100 funkcija 094F 'Bruto plaće i naknade plaća' u Nacrtu budžeta KS za 2023 godinu iznosi 11,651,377km. Ova vrijednost u dokumentu Prijedlog budžeta KS za 2023 godinu iznosi 11,391,377KM i očito je da se radi o umanjenom iznosu razlike - 286.127,00. Podsjećam da se Vlada Kantona Sarajevo obavezala Sporazumom sa Koordinacijom svih sindikata koji primaju plaću iz Budžeta Kantona Sarajevo o dodatku na plaću u 2023.g. koji predviđa da će se svi m licima koja ostvaruju pravo iz radnog odnosa i primaju plaću iz Budžeta Kantona Sarajevo tokom 2023.g. obračunati mjesečni dodatak na plaću u neto iznosu od 100,00 KM (sa pripadajućim porezima). U drugoj polovini 2022.g. potpisani su kolektivni ugovori za sektor obrazovanja (predškolsko, osnovno, srednje i visoko), kojim se predviđaju povećanja koeficijenata. Uposlenici Filozofskog fakulteta moraju imati jednak tretman kao i svi drugi uposlenici koji primaju plaću iz budžeta. Svako kršenje potpisanog sporazuma je kršenje ljudskih i radnih prava uposlenika.

AMANDMAN 2

Umanjuje se pozicija Ministarstva zdravstva , ekonomski kod 614300 , razjedljka NO V002, funkcije 074F, u odjeljku 'Finansiranje specijalizacija' u iznosu od 133.000 KM za uvećanje pozicije MINISTARSTVO ZA NAUKU, VISOKO OBRAZOVANJE I MLADE i potrošačku jedinicu 014 Univerzitet u Sarajevu-Filozofski fakultet, ekonomski kod 613900 094F 'Ugovorene i druge posebne usluge' u iznosu od 130.000,00KM radi napredovanja članova akademskog osoblja.

Obrazloženje:

Napredovanje članova akademskog osoblja je zakonska obaveza.

AMANDMAN 3

Umanjuje se pozicija MINISTARSTVA ZDRAVSTVA , ekonomski kod 614300 , razjedljka NOV002 funkcije 074F u odjeljku 'Finansiranje specijalizacija' u iznosu od 6.000 KM za uvećanje pozicije MINISTARSTVO ZA NAUKU, VISOKO OBRAZOVANJE I MLADE i potrošačku jedinicu 014 Univerzitet u Sarajevu-Filozofski fakultet, i uvodi se novi ekonomski kod u iznosu od 6.000 KM sa nazivom odjeljka 'osiguranje zgrade Filozofskog fakulteta'.

Obrazloženje:

Važno je da se imovina koja se koristi zaštiti od potencijalnih nepogoda i opasnosti pod uslovima osiguravajućeg društva koji će omogućiti adekvatne uslove i police osiguranja.

AMANDMAN 4

Umanjuje se pozicija MINISTARSTVA ZDRAVSTVA , ekonomski kod 614300 , razjedljka NOV002 funkcije 074F u odjeljku 'Finansiranje specijalizacija' u iznosu od 250.000,00 KM za uvećanje pozicije MINISTARSTVO PRIVREDE ekonomski kod 614300, razdjela IAN015, funkcije 049F u odjeljku 'Podrška projektima neprofitnih organizacija' u iznosu od 250.000,00KM radi sufinsansiranja rada za HUB-ove

Obrazloženje:

Strategija razvoja Kantona 2021-2027 godine ističe rad HUB ova kao posebne smjernice podrške mladima u privredi. Strateški ciljevi imaju za cilj unaprijediti konkurentnost privrede , stvoriti uslove za društveno - ekonomski rast i smanjenje siromaštva sa posebnom naznakom ulaganja u mlade i stvaranje uslova za njihov rad i razvoj. HUB je mjesto susreta mladih, mjesto koje nudi razne aktivnosti sa ciljem približavanja nauke , obrazovanja, IT sektora , mentalnog zdravlja i drugih oblasti koji će motivisati mlade na dalji rast i razviti njihove vještine rada na sebi.

AMANDMAN 5

Umanjuje se pozicija MINISTARSTVA ZDRAVSTVA , ekonomski kod 614300 , razjedljka NOV002 , funkcije 074F, u odjeljku 'Finansiranje specijalizacija' u iznosu od 3.000000,00 KM za uvećanje pozicije u MINISTARSTVU ZDRAVSTVA ekonomski kod 614300 , KAN083, funkcija 074F u odjeljku 'Prevenција, očuvanje i unapređenje zdravlja stanovništva Kantona Sarajevo' u iznosu od 3.000000,00KM pod nazivom Fond solidarnosti (za teško oboljelu djecu)

Obrazloženje:

Fond solidarnosti je potreban za dijagnostiku i liječenje oboljenja, stanja i povreda djece u inostranstvu kada to nije moguće u zdravstvenim institucijama Kantona Sarajevo i BiH. Fond solidarnosti se odnosi na djecu do 18 godine starosti. Naši sugrađani se sve češće susreću sa problematikom skupljanja novčanih prihoda kako bi omogućili adekvatno liječenje za svoju djecu. Nekada su rokovi za skupljanje prihoda vrlo ograničeni radi preduzimanja hitnih mjera za spašavanje života djece što je dodatna trauma za roditelje. Nosioći vlasti trebaju pokazati maksimalnu odgovornost za ovakva otvorena pitanja koja se do sada nisu problematizirala u Kantonu Sarajevo.

AMANDMAN 6

Umanjuje se pozicija MINISTARSTVA PRIVREDE ekonomski kod 615400 , razdjel I AU041, funkcija 042F u odjeljku ' Projekat opremanja prihvatilišta pasa lualica' u iznosu od 300.000,00KM za uvećanje pozicije MINISTARSTVA PRIVREDE ekonomski kod 614400, razdjel IAO001, funkcija 049F 'Tekući transferi-podrška poslovanju' KJP Veterinarska stanica d.o.o. Sarajevo u iznosu od 300.000,00 KM.

Obrazloženje:

Sa ciljem prevencije potencijalne opasnosti od narušavanja javnog veterinarskog i opšteg zdravlja na području Kantona Sarajevo potrebno je imati dovoljno sredstava radi liječenja životinja i ljudi. Svjedoci smo raznih pojava bolesti koje mogu utjecati na loše epidemiološke uslove što zahtjeva odgovorno djelovanje vlasti po ovom pitanju.

AMANDMAN 7

Umanjuje se pozicija MINISTARSTVA PRIVREDE ekonomski kod 615400, razdjel IAU001, funkcija 047F u odjeljku 'Podrška projektima ZOI 84 Olimpijski centar Sarajevo d.o.o' u iznosu od 1.000000,00KM i uvećava se pozicija za Kantonalna uprava civilne zaštite Kantona Sarajevo ekonomski kod 615200, razdjel UAU003, funkcija 055F u odjeljku ' Saniranje klizišta u Kantonu Sarajevo' u iznosu od 1.000000,00KM i uvodi se nova alineja ekonomskog koda 615400 – 1 odjeljak pod nazivom ' saniranja klizišta objekta Radionica NPS u ulici Terezije 52' u iznosu od 1.000000,00KM.

Obrazloženje:

Objekat Radionica NPS je dio projekta 'Mala scena sa radionicom i smještajnim kapacitetom NPS' smještenog u ulici Terezije 52 (Skenderija) koji je fizički oštećen (pukotine u zidovima, podignuti pod, iskrivljeni potporni zidovi, plafon u stanju raspada) i kontinuirano je ugrožen radom klizišta koji se nalazi na strani vanjskog zida objekta. Na ovaj način ugrožena je sigurnost objekta i uposlenika kao i ljudi i imovine u užoj i široj okolini.

Ovo navodimo iz razloga jer se u objektu nalazi i plinsko postrojenje za grijanje što dodatno ugrožava sigurnost objekta.

Ovaj projekat imao je status projekta Javnih investicija KS za period 2018-2020 međutim nisu zabilježene druge aktivnosti osim pribavljanja Idejnog rješenja novog objekta (radi rušenja starog objekta) kao i izmjene i dopune Regulacionog plana Podgaj-Tekija.

AMANDMAN 8

Umanjuje se pozicija MINISTARSTVA PRIVREDE ekonomski kod 615400, razdjel IA U001, funkcija 047F u odjeljku 'Podrška projektima ZOI 84 Olimpijski centar Sarajevo d.o.o' u iznosu od 1.000000,00KM i uvećava se pozicija za MINISTARSTVO KULTURE I SPORTA i potrošačku jedinicu 0001 NARODNO POZORIŠTE ekonomski kod 613900, radjel NOV, funkcija 082F u odjeljku 'Izrada projektne dokumentacije za obnovu fasade JU Narodno pozorište' i uvodi se nova alineja ekonomskog koda 613900 -1 rekonstrukcija i obnova fasade JU NPS u iznosu od 1.000 000,00 KM

Obrazloženje:

Rekonstrukcija i obnova fasade Narodnog pozorišta je neophodna ne samo sa stanovišta estetike već i radi sigurnosti jer predstavlja opasnost prolaznicima i uposlenicima radi kontinuiranog otpadanja fasade (komadi kamenih ploča i slično). Ovo su zaista alarmantni razlozi koji nas upućuju za HITNO pokretanje svih aktivnosti koji se tiču rekonstrukcije fasade Narodnog pozorišta. Rekonstrukcija se odnosi na sve konzervatorsko-restauratorske radove (kamene i druge plastike, vijenaca i sl.) kao i obnovu fasade u njenom koloritu.

Kao jedna od najvažnijih kulturnih i umjetničkih institucija Narodno pozorište zauzima posebno mjesto u kulturnom nasljeđu Bosne i Hercegovine.

Narodno pozorište Sarajevo je zbog svojih kulturno historijskih, arhitektonskih, umjetničkih i estetskih vrijednosti proglašena nacionalnim spomenikom BiH 2007 godine.

S tim u vezi na nacionalni spomenik primjenjuju se mjere zaštite utvrđene Zakonom o provedbi odluka Povjerenstva za zaštitu nacionalnih spomenika, ustanovljenoga sukladno Aneksu 8. Općega okvirnoga sporazuma za mir u Bosni i Hercegovini («Službene novine Federacije BiH», br. 2/02, 27/02, 6/04 i 51/07).

Vlada Federacije Bosne i Hercegovine dužna je osigurati pravne, znanstvene, tehničke, administrativne i financijske mjere za zaštitu, konzervaciju i prezentaciju nacionalnog spomenika. U ovom kontekstu predlažemo mogućnost saradnje u vidu sufinansiranja i podrške drugog nivoa vlasti radi pribavljanja potrebnih sredstava. Posljednja rekonstrukcija fasade Narodnog pozorišta rađena je 2004.

Fasada zgrade Pozorišta je ujedno i lice odnosa prema kulturi, spomenicima kulture i naša obaveza je osigurati reprezent nacionalnog spomenika u svakom smislu.

AMANDMAN 9

Umanjuje se pozicija MINISTARSTVA PRIVREDE ekonomski kod 615400, razdjel IA U001, funkcija 047F u odjeljku 'Podrška projektima ZOI 84 Olimpijski centar Sarajevo d.o.o' u iznosu od 2.000000,00KM i uvećava se pozicija MINISTARSTVA KULTURE I SPORTA ekonomski kod 613900, razdjel MAK003, funkcija 081F u odjeljku 'Studija izvodljivosti i osnivački ulog za Muzej holokausta' i uvodi novi razdjel i ekonomski kod 6139000-1 pod nazivom 'sufinansiranje 6 institucija kulture bez statusa' u iznosu od 2.0000000,00KM

Obrazloženje:

6 institucija kulture kojima nije riješen status od potpisivanja Dejtonskog sporazuma, su Zemaljski muzej, Umjetnička galerija BiH, Historijski muzej BiH, Muzej književnosti i pozorišne umjetnosti BiH, Kinoteka BiH i Biblioteka za slijepa i slabovidna lica BiH i ove institucije skoro 30 godina nemaju osnivače, upravne odbore niti stabilan izvor

finansiranja. Njihova posljednja registracija desila se 1992.g! Zahvaljujući požrtvovanosti njihovih uposlenika i često samilosti vlada na raznim nivoima vlasti, odnosno podršci projektima sa kojima apliciraju na konkurse koje ministarstva kulture Kantona Sarajevo, Federacije BiH i Ministarstvo civilnih poslova raspisuju svake godine opstali su sve ove godine. Ukoliko zagovaramo vrijednosti u kojima negujemo i čuvamo materijalnu i nematerijalnu kulturnu baštinu u kontekstu jačanja identiteta KS izgovori da ove institucije nisu dijelom nadležnosti KS nisu dopustive. Ove institucije djeluju na području KS i svojim radom promiču vrijednosti koje su naš kapital i kulturno nasljeđe koje moramo razumjeti u duhu javnog dobra i pružiti maksimalnu podršku do trajnih rješenja statusa ovih institucija.

AMANDMAN 10

Umanjuje se pozicija MINISTARSTVA ZA ODGOJ I OBRAZOVANJE JU "Institut za razvoj preduniverzitetskog obrazovanja Kantona Sarajevo" ekonomskog koda 613900, funkcije 098F u odjeljku 'Ugovorene i druge posebne usluge' u iznosu od 50.000,00KM i uvećava se pozicija MINISTARSTVA KULTURE I SPORTA I JU NARODNO POZORIŠTE ekonomskog koda 613600, funkcije 082F, u odjeljku 'Unajmljivanje imovine, opreme i nematerijalne imovine' u iznosu od 50.000,00KM.

Obrazloženje:

Kada se pokrenu aktivnosti oko rješavanja otvorenog pitanja Radionica JU NPS radi sigurnosti objekta (rušenje postojećeg objekta, saniranje klizišta, kasnije izgradnja novog objekta) neophodno je izmjestiti radionicu u drugi objekat radi neometanog obavljanja poslova izrade scenografije i skladištenja fundusa. Ovi troškovi su renta za potencijalni privremeni prostor radionice.

AMANDMAN 11

Uvećati poziciju MINISTARSTVA KULTURE I SPORTA, odjeljak ekonomskog koda 821300 - NABAVKA STALNIH SREDSTAVA, odjeljak pod nazivom ' izgradnja Koncertne dvorane' u iznosu od 20.000000,00KM
Izvor prihoda EU fondovi, vlastito učešće i drugi nivoi vlasti.

Obrazloženje:

Strategija razvoja KS stavlja u fokus i kreativne industrije koje doprinose razvoju obrazovanja, kulture i umjetnosti. Koncertna dvorana koju nemamo je neophodna, i trenutno jedini reprezentativan objekat koji zadovoljava akustičke performace je Narodno pozorište u kojem trenutno djeluje Sarajevska filharmonija. Pravno formalno SF je odvojen pravni subjekt od Pozorišta i ovakva saradnja pruža vrlo skromne uslove za rad kako SF tako i Pozorišta. Napominjem da od 96 godine Pozorište nije revitaliziralo svoj operni orkestar što uveliko sputava rad i djelovanje Opere NPS. U ovom procesu participira SF koliko može odgovoriti svojim kapacitetima kako bi servisirali baletne i operne projekte sa orkestrom. Prostor za rad Drame, Opere, Baleta, SF i svih drugih aktivnosti , festivala, najma sale i slično opterećuju produkciju i scena Narodnog pozorišta trpi velike pritiske i opterećenja u realizaciji istih. Ovo je jedan od tehničkih razloga zbog kojih trebamo novi savremeni reprezentativni objekat kulture, novu Koncertnu dvoranu . Vrijeme da stavimo u fokus kreativne industrije i realizujemo ovaj strateški kulturni projekat prema svim fazama procesa izvršenja.

AMANDMAN 12

Umanjuje se pozicija MINISTARSTVA ZA ODGOJ I OBRAZOVANJE JU "Institut za razvoj preduniverzitetskog obrazovanja Kantona Sarajevo" ekonomskog koda 613900, funkcije 098F u odjeljku 'Ugovorene i druge posebne usluge' u iznosu od 200.000,00KM i uvodi se nova pozicija u istom odjeljku pod nazivom 'tehnička kultura i inovacije mladih' u iznosu od 200.000,00KM.

Obrazloženje:

Finansiranje raznih aktivnosti tehničke kulture i inovacija sa ciljem podizanja svijesti o značaju tehnike i informacionih tehnologija za razvoj realnog sektora koji je osnov opstanka i razvoja države.

Podrška ovim projektima promoviše inovativne ideje, popularizira tehniku i potiče kreativnost kod djece i mladih.

AMANDMAN 13

Umanjuje se pozicija MINISTARSTVA PRIVREDE ekonomski kod 615400, razdjel IA U001, funkcija 047F u odjeljku 'Podrška projektima ZOI 84 Olimpijski centar Sarajevo d.o.o.' u iznosu od 1.000000,00KM i uvećava se pozicija uvećava se pozicija MINISTARSTVA KOMUNALNE PRIVREDE, INFRASTRUKTURE, PROSTORNOG UREĐENJA, GRAĐENJA I ZAŠTITE OKOLIŠA ekonomski kod 615300, razdjel YAU024, funkcija 061F u odjeljku 'Stambeni razvoj' i uvodi se nova alineja ekonomski kod 615300-1 pod nazivom 'Sufinansiranje saniranja ratnih šteta na zajedničkim dijelovima zgrade (liftovima, krovovima, fasadama)' u iznosu od 1.000000,00KM

Obrazloženje :

Zakonska osnova obavezuje Kanton Sarajevo da svojim budžetom planira sredstva za sufinansiranje saniranja ratnih šteta na zajedničkim dijelovima zgrade (liftovima, krovovima, fasadama)

AMANDMAN 14

Umanjuje se pozicija MINISTARSTVA PRIVREDE ekonomski kod 615400, razdjel IA U001, funkcija 047F u odjeljku 'Podrška projektima ZOI 84 Olimpijski centar Sarajevo d.o.o.' u iznosu od 1.000000,00KM i uvećava se pozicija MINISTARSTVA KOMUNALNE PRIVREDE, INFRASTRUKTURE, PROSTORNOG UREĐENJA, GRAĐENJA I ZAŠTITE OKOLIŠA ekonomski kod 615300, razdjel YAU024, funkcija 061F u odjeljku 'Stambeni razvoj' i uvodi se nova alineja ekonomski kod 615300-2 pod nazivom 'sanacija krovova zgrada rađenih od azbestnih ploča' u iznosu od 1.000000,00KM

Obrazloženje:

Kontinuirana izloženost opasnim materijalima kao što je azbest vode u teška i neizlječiva oboljenja. Kanton Sarajevo locira 371 objekat sa azbestnim krovnim prekrivačem i ovakva građevina predstavlja opasnost za zdravlje i život naših građana. Resorno ministarstvo još nema sistemsko rješenje za ovo akutno pitanje koje se tiče naravno i fasada objekata od azbestnih ploča za koje je Vlada Kantona odredila smjernice da se rješavaju putem Modela EE. Zdravlje naših sugrađana mora biti prioritet po ovom pitanju.

AMANDMAN 15

Uvodi se nova pozicija 29010001 Kantonalna uprava civilne zaštite na poziciji (ekonomski kod) 613900 Ugovorene i dr.posebne usluge - Gorska služba spašavanja za izradu nacrtu Zakona o GSS-u Kantona Sarajevo u iznosu od 30.000 Umanjuje se iznos (10030001 614300 011F) Kabinet predsjedavajućeg i zamjenika predsjedavajućeg Skupštine Kantona Sarajevo - Tekući transferi neprofitnim organizacijama sa 196.300 na 166.300 – za 30.000

Obrazloženje:

Kanton Sarajevo zaslužuje imati profesionalnu jedinicu GSS-a, koja će zajedno sa postojećom vatrogasnom jedinicom biti u službi civilne zaštite građana. Potrebno je pristupiti izradi nacrtu zakona kojom bi se stekli uslovi za formiranje profesionalne jedinice gorske službe spašavanja. Imajući u vidu da volonteri GSS-a jedinica iz Kantona Sarajevo na volonterskoj osnovi djeluju godinama i prvi su na terenu su slučaju prirodnih katastrofa i nesreća, a ističe se i njihovo djelovanje u zemlji i inostranstvu, prioritetno je osigurati novac za izradu zakona a potom i profesionalne jedinice.

AMANDMAN 16

Uvećava se pozicija u Ministarstvu saobraćaja Kantona Sarajevo ekonomski kod 821 600 Rekonstrukcija i investiciono održavanje sa 193,445 na 243.445 i uvodi novi odjeljak Izrada projekta za izgradnju montažnih garaža u iznosu od 50.000 Umanjuje se iznos (10030001 614300 011F) Kabinet predsjedavajućeg i zamjenika predsjedavajućeg Skupštine Kantona Sarajevo - Tekući transferi neprofitnim organizacijama sa 196.300 na 146.300 – za 50.000.

Obrazloženje:

Saobraćaj u mirovanju predstavlja jedan od problema za normalno funkcionisanje saobraćaja u Kantonu Sarajevo, te izradom montažnih garaža bi se pristupilo njegovom rješavanju. Za rješavanje potrebno je osigurati najprije novac za izradu projektne dokumentacije, a potom realizaciji projekta čiji se novac može osigurati i van budžeta.

AMANDMAN 17

Povećava se izdvajanje Ministarstvo za nauku, visoko obrazovanje i mlade Kantona Sarajevo (ekonomski kod 613900 QAK001 098F) Komisije za izradu nastavnih planova i programa, zakona i podzakonskih akata sa 5.000 na 25.000 u svrhu Izrade strategije prema mladima Kantona Sarajevo. Umanjuje se iznos (10030001 614300 011F) Kabinet predsjedavajućeg i zamjenika predsjedavajućeg Skupštine Kantona Sarajevo - Tekući transferi neprofitnim organizacijama sa 196.300 na 176.300 – za 20.000.

Obrazloženje:

Strategija prema mladima Kantona Sarajevo usvojena je za period 2019.-2023. i ove godine ističe. Potrebno je izvršiti analizu iste, te početi izradu nove strategije koja će biti prilagođena novim potrebama i problemima mladih ljudi u Kantonu Sarajevo. Svaka strategija, pa tako i ova, predstavlja okvir za djelovanje institucija Kantona Sarajevo, sa posebnim fokusom na aktivno djelovanje mladih u kreiranju politika i donošenju odluka.

AMANDMAN 18

Povećava se izdvajanje za Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo (ekonomski kod 33 010001 615200 YAU028 061F) Kapitalni transferi pojedincima - Subvencioniranje mladih pri rješavanju stambenog pitanja za 400.000. odnosno sa 500.000 na 900.000. Umanjuje se iznos na poziciji Ministarstvo zdravstva , ekonomski kod 614300 , razjedljka NOV002 funkcije 074F u odjeljku 'Finansiranje specijalizacija' u iznosu od 400.000 KM.

Obrazloženje:

Subvencioniranje mladih pri rješavanju stambenog pitanja kroz javni poziv Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo predstavlja višegodišnje kapitalno ulaganje što je pohvalo. Iznos predviđen nacrtom i prijedlogom budžeta za 2023. godinu je nedovoljan, imajući u vidu iskustva iz prehodnih godina (rebalansom su se osiguravala dodatna sredstva), a posebno povećanje cijena nekretnina (kvadrata stambene jedinice) u proteklih godinu dana sa trendom rasta u tekućoj godini.

AMANDMAN 19

Uvodi se nova pozicija za Ministarstvo za rad, socijalnu politiku, raseljena lica i izbjeglice Kantona Sarajevo (ekonomski kod 614000) Tekući transferi i drugi tekući rashodi - Uklanjanje arhitektonskih barijera u iznosu od 107.873. Umanjuje se pozicija Ministarstva zdravstva , ekonomski kod 614300, razjedljka NOV 002 funkcije 074F u odjeljku 'Finansiranje specijalizacija' u iznosu od 107.873.

Obrazloženje:

Potrebno je u budžetu Ministarstva za rad, socijalnu politiku, raseljena lica i izbjeglice Kantona Sarajevo osigurati novac koji će se utrošiti na uklanjanje arhitektonskih barijera, najprije pri institucijama koje su u njegovoj nadležnosti, a onda i širom Kantona Sarajevo. Imajući u vidu da građani koji svoja prava ostvaruju u institucijama resornog ministarstva često u nemogućnosti da fizičke prisupe istim, potrebno je kontinuirano rješavati taj problem, te građanima poteškoćama i invaliditetom osigurati nesmetan pristup.

AMANDMAN 20

Umanjuje se pozicija MINISTARSTVA PRIVREDE ekonomski kod 615400, razdjel IA U001, funkcija 047F u odjeljku 'Podrška projektima ZOI 84 Olimpijski centar Sarajevo d.o.o' u iznosu od 1.000000,00KM i uvećava se pozicija Zavoda za informatiku i statistiku Kantona Sarajevo ekonomski kod 821500, razdjel TAX011 funkcija 013F u odjeljku 'Nabavka projekata i planova' i unosi se nova alineja 821500-1 pod nazivom 'e-portal KS' u iznosu od 1,000 000,00KM.

Obrazloženje:

Planirane aktivnosti digitalne transformacije Zavoda za informatiku i statistiku Kanton a Sarajevo tiču se i projekta e-portal KS radi uspostave i održavanja jedinstvenog i sveobuhvatnog sistema između organa državne službe i fizičkih i pravnih lica s područja KS.

Modernizacija javnih uprava i javnih usluga je neophodna i našim sugrađanima će donijeti velike olakšice.

AMANDMAN 21

Uvodi se nova pozicija za Sarajevsku filharmoniju (22020002) za Ugovorene i druge posebne usluge (ekonomski kod 613900) – Podrška za muzički program u iznosu od 100.000

Umanjuje se pozicija ZOI 84 (18010001 615400 IAU001 047F) Podrška projektima ZOI 84 Olimpijski centar Sarajevo d.o.o za 100.000.

Obrazloženje:

U svrhu uspješnog funkcionisanja JU Sarajevska filharmonija, potrebno je izdvojiti dodatnih 100.000 KM. Ovaj iznos posebno se odnosi na kreiranje i izvođenje muzičkog programa, poticajući i promovirajući kulturno-umjetnički, pa tako i muzički duh u Kantonu Sarajevu ali i regiji i svijetu. Sarajevska filharmonija ove godine obilježava 100 godina djelovanja, i potrebno je da vlasti Kantona Sarajevo kroz budžet obezbijedi novac kojim će unaprijediti djelovanje i sadržaj ove kulturne javne institucije.

AMANDMAN 22

Umanjuje se pozicija MINISTARSTVA ZA ODGOJ I OBRAZOVANJE JU "Institut za razvoj preduniverzitetskog obrazovanja Kantona Sarajevo" ekonomskog koda 613900, funkcije 098F u odjeljku 'Ugovorene i druge posebne usluge' u iznosu od 10.000,00KM i uvećava se pozicija MINISTARSTVA KULTURE I SPORTA ekonomskog koda 615300, funkcije 082F u odjeljku ' Kapitalni transferi neprofitnim organizacijama ' i dodaje se alineja ekonomskog koda 615300-1 'podrška asocijaciji nezavisnih intelektualaca KRUG 99' u iznosu od 10.000,00KM

Obrazloženje:

Asocijacija nezavisnih intelektualaca Krug 99 ove godine obilježava 30. godina kontinuiranog rada. Svake nedjelje, kroz sve ove godine, članovi ove organizacije, intelektualci iz različitih društvenih sfera i multietničkog sastava, održavaju sesije, dijalog i naučne rasprave najrelevantnijih domaćih i inostranih ličnosti.

Javno su angažirani i odlučno posvećeni očuvanju Bosne i Hercegovine kao cjelovite države, nezavisne i suverene, i promociji principa građanske demokratije. Djeluju bez redovne materijalne podrške bilo iz BiH, a pogotovo ne iz inostranstva, a finansiranja su kratkoročna i nedovoljna kroz sporadične projekte, iako, pored ostalog, bilježe i brojna učešće na konferencijama, okruglim stolovima, promocijama knjiga, drugim kulturnim događajima i aktivnostima članova Kruga 99, a u cilju očuvanja bosanskohercegovačkog kulturnog identiteta i ostvarenja ideje slobodnog i otvorenog društva jednakopravnih građana.

Članovi Kruga 99 članovi su iz cijele Bosne i Hercegovine, i regije i inostranstva, članovi su ANUBiH, pojedinci su u članstvu i Evropske akademije umjetnosti i nauka, istaknuti istraživači i profesori priznatih svjetskih univerziteta.

Asocijacija nezavisnih intelektualaca decenijama radi u ambijentu i vremenu u kojem se i država i društvo suočavaju sa prelomnim izazovima i traženja odgovora na pitanja daljeg jačanja ili urušavanja kulture zajedničkog života, demokratske tranzicije na vrijednostima građanskog društva i političkog uređenja, sigurnosti i institucionalnih kapaciteta suverene države.

AMANDMAN 23

Umanjuje se pozicija Transfer neprofitnim organizacijama i udruženjima za fin/suf projekata za područja Srebrenice, ekonomski kod 614300, funkcija 082F, sub-analitika BDN005, za iznos od 40.000,00KM, i iznosi 75.000,00KM. Uvećava se pozicija „Podrška i pomoć radu Memorijalnog centra Srebrenica-Potočari Spomen obilježje i mezarje za žrtve genocida iz 1995. godine“, ekonomski kod 614300, funkcija 082F, sub-analitika BDN002, za 40.000,00KM.

Obrazloženje

Nacrtom budžeta KS za 2023. godinu je planirano izdvajanje od 115.000KM za neprofitne organizacije sa područja Srebrenice, a 100.000KM za podršku radu Memorijalnog centra. Imajući u vidu značaj djelovanja Memorijalnog centra, čiji efekti rada prevazilaze očuvanje sjećanja na genocid u Srebrenici, i od državnog su značaja, neophodno je izdvojiti veća sredstva za rad Memorijalnog centra. Također, kako u protekloj godini nisu realizirana sredstva za Memorijalni centar, a kako je Zakonom o Srebrenici bilo predviđeno, neophodno je uvećati sredstva za rad Memorijalnog centra.

AMANDMAN 24

Umanjuje se pozicija „Podrška projektima ZOI 84 Olimpijski centar Sarajevo d.o.o“, ekonomski kod 615400, sub-analitika IAU001, u iznosu od 30.000,00KM i iznosi 12.970,100.00. Umanjuje se pozicija „Podrška projektima Skenderija Sarajevo d.o.o“, ekonomski kod 615400, sub-analitika IAU002, u iznosu od 30,000.00KM, i iznosi 6,970,000.00KM. Uvećava se pozicija „Podrška i pomoć radu Memorijalnog centra Srebrenica-Potočari Spomen obilježje i mezarje za žrtve genocida iz 1995. godine“, ekonomski kod 614300, funkcija 082F, sub-analitika BDN002.

Obrazloženje

Nacrtom budžeta KS za 2023. godinu je planirano izdvajanje od 100.000KM za podršku radu Memorijalnog centra. Imajući u vidu značaj djelovanja Memorijalnog centra, čiji efekti rada prevazilaze očuvanje sjećanja na genocid u Srebrenici, i od državnog su značaja, neophodno je izdvojiti veća sredstva za rad Memorijalnog centra. Također, kako u protekloj godini nisu realizirana sredstva za Memorijalni centar, a kako je Zakonom o Srebrenici bilo predviđeno, neophodno je uvećati

sredstva za rad Memorijalnog centra. Imajući u vidu da su kapitalna izdvajanja za Skenderija Sarajevo i ZOI 84 značajno uvećana, a po samim iznosima uvećanja je očito da se ne odnose na konkretne projekte ulaganja, pa samim time ne može ni ugroziti djelovanje ovih preduzeća i njihova kapitalna ulaganja, smatramo da je sredstva u ukupnom iznosu od 60,000.00KM potrebno dodijeliti Memorijalnom centru. Zajedno sa prethodnim amandmanom, kojim bi se budžetska stavka za Memorijalni centar povećala za 40,000.00KM, ukupni iznos koji bi Kanton Sarajevo izdvojio za direktnu podršku Memorijalnom centru bi bio u iznosu od 200,000.00KM

Šef Kluba, zastupnika Demokratske fronta
Albin Zuhrić

